


# Hubentud den **NOVEDAD**

Redacta pa Mercedes Abdul

Meneer Don Quandt:

## Cuarenta aña den enseñanza, 40 aña dilanti klas!!



E siguiente informacion ta un aporte ricibi pa medio di un comunicado di prensa, relaciona cu e di 40 aniversario den enseñanza di e docente Don Quandt.

Dialuna 12 di februari ultimo tabata un dia conmemorativo tanto pa Instituto Pedagogico Arubano (IPA), como pa enseñanza en general.

Riba e dia aki a recorda e hecho cu 40 aña pasa señor Don Quandt a cuminsa traha como maestro. No ta tur dia ta topa un persona cu ta cumpli 40 aña den enseñanza. Cuarenta aña dilanti klas manera nos ta bisa na Aruba, 40 aña cu dedicacion na enseñanza cu ta y lo keda un trabao di hopi responsabilidad. Durante un ceremonia na

IPA, na unda tabata presente famia, ex-coleganan di St. Michael School, coleganan di IPA, director Sra. Ava Thode y representantenan di Openbaar Schoolbestuur, sr. Frido Croes, e ultimo aki a haci entrega di e custumbra envelop na sr. Don Quandt.

Despues Don Quandt a elabora riba su cuarenta añanan di servicio como docente.

E mes no a scoge pa bira maestro. E kier a bira docter di wowo. Pero e conocido Frere Arnold a bisele cu e mester bira maestro pa motibo cu e tin hopi pasenshi y pasobra Aruba mester tabata tin mester di su mesun maestronan. El a cuminsa studia na

Oudenbosh na Brabant y a termina su estudio na Rotterdam. Eynan el a descubri su talento pa arte di escultura, pero prome e mester a caba su carera.

Lamentablemente e no a haya studieopdracht pa e estudio di Kunstacademie.

Na 1960 el a cuminsa traha na Benilde School 2de klas. Pa e temporada ey ta normal pa un klas ta consisti di 40 y tin ora te 52 alumno. Mayornan no tabata tin problema cu straf cu local. Benilde y Maria Regina School tabata e prome schoolnan mezcla na Aruba. Don ta haya cu Papiamento mester bira idioma di instruccion. El a bisa cu si compara e muchanan na Caiquetio School B.B.O., nan expresion na Papiamento ta na un nivel masha halto mes. Ni na enseñanza avanza alumnonan no por expresa nan mes asina bon: "Bo mester sa bo propio idioma pa siña otro idioma".

Dia 9 di april 1970 ora el a bira cabesante, a cuminsa e prome welga di maestronan. Segun lenga malo a welga door cu Don a bira cabesante! Na 1970 el a bira hefe di Eilandelijke Filmdienst y el a fungi como "filmbeheerder" pa Sticusa filmdienst pa henter Antiyas. Na 1971 el a haya su L.O. handenarbeid-diploma. Na 1976 el a logra su "L.O.M. specialisatie". Lamentablemente Aruba nunca a haya su school di L.O.M.

Na 1975 el a descubri un metodo completamente nobo den ortografia Hulandes y por a bira un didacta di ortografia nobo nobo, basa riba cierto regularidadnan cu nunca a worde descubri den idioma



Hulandes. Metodo: "Spellen is tellen" basa riba cifranan 1 y 2.

Semper Don tabata tin amor pa su trabao y pa mucha. E ta considera cu muchanan por trece alegria den bida. Pero esey ta depende completamente di bo mes. Prome cos den klas ta: ordo y disciplina, pero no lubida e cariño y amor pa criatura.

Prome dia pone bo reglanan y mantene bo mes estricto na nan. Muchanan mester ta na haltura kico por y kico no por. "Si bo tin ordo y disciplina den klas bo por haci tur cos den un klas: hari, hunga, pero yega momento di traha tur bay traha".

Como cabesante bo tin cu percura pa un bon ambiente na bo school, pa tranquilidad, unda alumnonan y maestronan cu gusto ta bay tur dia

school.

Si kier a yuda un maestro cu problema na school semper el a acerca nan a base di igualdad: tur hende por yuda otro. Nunca laga e otro pensa cu abo ta mehor. Solamente cu tal actitud bo por trece mehoracion.

Encuanto contacto cu mayornan: semper keda positivo. Experiencia ta siña pa tuma prome cu caba contacto cu mayornan si mucha ta duna problema y no lubida riba bishita di cas.

problema di mucha no ta tur ora culpa di e mucha, pero di mayornan: Pa drecha alumno mester cuminsa cu mayornan.

Despues di su retiro e ta haya tempo pa su hobbiennan cu ta modela cu klei, "graveren", biaha y bay curso di saca potret, sin lubida: golf!

**TELEFONNAN DI DIARIO**

**826747- FAX 828551**